

სსიპ

საქართველოს ტექნიკური უნივერსიტეტი

ბრძანება

03.10.2014 № 188.

თბილისი

2014-2015 სასწავლო წლის პირველ სემესტრში საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთოტექნოლოგიური ინსტიტუტის პროფესიული საგანმანათლებლო პროგრამების შემდგომ საფეხურზე ჩარიცხვის მიზნით ტესტირების ჩატარების შესახებ


"უმაღლესი განათლების შესახებ" საქართველოს კანონის 22-ე მუხლის, "პროფესიული ტესტირების ჩატარების დებულების დამტკიცების თაობაზე" საქართველოს განათლებისა და მეცნიერების მინისტრის 2013 წლის 27 სექტემბრის №152/ნ ბრძანების და საქართველოს ტექნიკური უნივერსიტეტის წესდების საფუძველზე

ვ ბრძანებ:

1. განისაზღვროს 2014-2015 სასწავლო წლის პირველ სემესტრში საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის პროფესიული საგანმანათლებლო პროგრამების შემდგომ საფეხურზე ჩარიცხვის მიზნით ჩასატარებელი ტესტირების პროცედურა №1 დანართის შესაბამისად.
2. დამტკიცდეს ტესტირების კომისიის შემადგენლობა №2 დანართის შესაბამისად;
3. განისაზღვროს ტესტირების ფარგლებში წარმოშობილი პრეტენზიების განხილვის წესი №3 დანართის შესაბამისად.
4. დამტკიცდეს საპრეტენზიო კომისიის შემადგენლობა №4 დანართის შესაბამისად.
5. ტესტირება ჩატარდეს საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტში (მის.: ქ. ტყიბული, კარლო ლომაძის მოედანი №4).

6. დამტკიცდეს ვადები:

- ა) აპლიკანტების რეგისტრაცია ტესტირებაზე - 8 ოქტომბერი, 11:00-დან 12:00
საათამდე;
- ბ) ტესტირების ჩატარება - 8 ოქტომბერი, 12:00-დან 13:30 საათამდე;
- გ) ტესტირების შედეგების გამოცხადება - 8 ოქტომბერი, 15:00 საათამდე;
- დ) ტესტირების შედეგების გასაჩივრება - 8 ოქტომბერის 15:00 საათიდან 9
ოქტომბერის 11:00 საათამდე;
- ე) პრეტენზიების განხილვა - 9 ოქტომბერის 14:00 საათიდან 17:00 საათამდე;
- ვ) პრეტენზიების განხილვის შედეგების გამოცხადება - 9 ოქტომბერს 17:00 საათაზე;
7. კონტროლი ბრძანების შესრულებაზე დაევალოს სწავლების დეპარტამენტს
- (გ. აბრამიშვილი).
8. ბრძანება გამოიკრას თვალსაჩინო ადგილებზე და განთავსდეს უნივერსიტეტის
ვებგვერდზე.

რექტორი >  ა. ფრანგიშვილი

ვიზები:

რექტორის მოადგილი

სასწავლო დარგში ლ. კლიმიაშვილი

სწავლების დეპარტამენტის

უფროსი ი. ლომიძე

იურიდიული დეპარტამენტის

უფროსი ბ. მაისურაძე

2014-2015 სასწავლო წლის პირველ სემესტრში საქართველოს ტექნიკური უნივერსიტეტის
სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის
პროფესიული საგანმანათლებლო პროგრამების შემდგომ საფეხურზე ჩარიცხვის
მიზნით ჩასატარებელი ტესტირების პროცედურა

მუხლი 1. აპლიკანტის უფლებები და ვალდებულებები ტესტირებისას

1. სტუ-ს მიერ ორგანიზებული ტესტირების (შემდგომში ტესტირება) ჩაბარების მიზნით, აპლიკანტი ვალდებულია დროულად გამოცხადდეს სტუ-ს სამთო-გეოლოგიური ფაკულტეტის ტყიბულის სამთო-ტექნოლოგიურ ინსტიტუტში რეგისტრაციაზე და თან იქონიოს დაბადების/პირადობის მოწმობა/პასპორტი.
2. დაგვიანების შემთხვევაში აპლიკანტი არ დაიშვებიან რეგისტრაციაზე და ტესტირებაზე;
3. ტესტირების დროს აპლიკანტს უფლება აქვს თან იქონიოს;
 - ა) წყალი;
 - ბ) პირადი ჰიგიენის საგნები;
 - გ) საჭიროების შემთხვევაში სხვა ნივთები, სტუ-ს საგამოცდო კომისიის წინასწარი თანხმობით.
4. ტესტირების დროს აპლიკანტს ეკრძალება:
 - ა) მობილური ტელეფონის ან სხვა ელექტრონული აპარატურის ქონა;
 - ბ) დამხმარე მასალის – სახელმძღვანელოების, ჩანაწერების, ფურცლების და სხვათა გამოყენება, გარდა სტუ-ს საგამოცდო კომისიის მიერ შეთავაზებული ნივთებისა;
 - გ) გადალაპარაკება, დახმარების გაწევა ან მიღება რაიმე ფორმით, სხვა აპლიკანტისათვის რაიმე ფორმით ხელის შეშლა;
 - დ) სამუშაო ადგილის უნებართვოდ დატოვება. სამუშაო ადგილის დატოვება შესაძლებელია მხოლოდ თანმხლებ პირთან ერთად;
 - ე) მუშაობის დაწყება შესაბამისი მითითების გარეშე.

მუხლი 2. ტესტირების დროს წესის დარღვევა

1. ტესტირების დროს აპლიკანტი მიიღებს გაფრთხილებას ამ წესის პირველი მუხლის მე-4 პუნქტით გათვალისწინებული მოთხოვნების დარღვევის შემთხვევაში.
2. ამ წესის პირველი მუხლის მე-4 პუნქტით გათვალისწინებული მოთხოვნების დარღვევის განმეორების შემთხვევაში აპლიკანტი იხსნება ტესტირებიდან.

მუხლი 3. ტესტირების პროცესზე დასწრება

1. ტესტირებას უნდა ესწრებოდეს – კომისიის თავმჯდომარე, კომისიის წევრები და ტექნიკური პერსონალი (ასლის გადასაღებად).
2. ამ მუხლის პირველი პუნქტით გათვალისწინებული პირების ტესტირებაზე ყოფნამ ხელი არ უნდა შეუშალოს ტესტირების მიმდინარეობას, მათ ეკრძალებათ ტესტირების შინაარსთან დაკავშირებით აპლიკანტის დახმარება ან მათი მუშაობისთვის ხელის შეშლა.

მუხლი 4. ტესტირების ფორმა

1. ტესტის გარეკანზე უნდა მიეთითოს აპლიკანტის სახელი, გვარი, პირადი ნომერი, სპეციალობა, საფეხური და თარიღი.
2. ტესტში სწორი პასუხი უნდა შემოიხაზოს. ორი ან მეტი პასუხის შემოხაზვის შემთხვევაში პასუხი ანულირდება.
3. ტესტირების ხანგრძლივობაა 90 წუთი.
4. ტესტის შეფასება უნდა მოხდეს 100 ქულიანი სისტემით. მინიმალური კომპიუტენციის ზღვარს წარმოადგენს 25 ქულა.

ტესტირების ფარგლებში წარმოშობილი პრეტენზიების განხილვის წესი

მუხლი 1. საპრეტენზიო კომისია

1. სტუ-ს მიერ ორგანიზებული ტესტირების (შემდგომში ტესტირება) ფარგლებში წარმოშობილი პრეტენზიები განიხილება წინამდებარე ბრძანებით შექმნილი საპრეტენზიო კომისიის მიერ (დანართი №4).

მუხლი 2. საპრეტენზიო კომისიის რეგლამენტი

1. საპრეტენზიო კომისიის სხდომას იწვევს და უძღვება საპრეტენზიო კომისიის თავმჯდომარე.

3. საპრეტენზიო კომისია პრეტენზიებთან დაკავშირებით გადაწყვეტილებას იღებს წინამდებარე ბრძანებით განსაზღვრულ ვადებში.

4. საპრეტენზიო კომისიის სხდომა უფლებამოსილია, თუ მას ესწრება წევრთა სრული შემადგენლობის უმრავლესობა. საპრეტენზიო კომისიის გადაწყვეტილებები მიიღება კომისიის სხდომაზე დამსწრე წევრთა ხმათა უმრავლესობით.

5. საპრეტენზიო კომისიის სხდომაზე ფორმდება სხდომის ოქმი, რომელსაც ხელს აწერს საპრეტენზიო კომისიის თავმჯდომარე და კომისიის წევრები.

მუხლი 3. ტესტირების ფარგლებში წარმოშობილი დარღვევების გასაჩივრება

1. ტესტირების ფარგლებში წარმოშობილი დარღვევის ფაქტის თაობაზე, აპლიკანტი უფლებამოსილია შეიტანოს საპრეტენზიო განაცხადი ტესტირების საპრეტენზიო კომისიაში, შედეგების გამოცხადების შემდეგ, იმავე დღის 15:00 საათიდან მომდევნო დღის 11 საათამდე.

2. პრეტენზიის წარდგენისას აპლიკანტმა თან უნდა იქონიოს დაბადების/პირადობის მოწმობა/პასპორტი.

3. დარღვევის ფაქტის თაობაზე წარდგენილი პრეტენზია შეიძლება ეხებოდეს:

ა) პრეტენზიის წარმდგენი აპლიკანტის უფლებების დარღვევას სხვა აპლიკანტების მიერ;

ბ) სხვა აპლიკანტის მიმართ სტუ-ს მიერ ორგანიზებული ტესტირების პროცედურის დადგენილი წესის დარღვევას სხვა აპლიკანტების მიერ (აპლიკანტისათვის დახმარების აღმოჩენა და ა.შ.).

გ) სტუ-ს მიერ აპლიკანტის მიმართ ტესტირების პროცედურის დადგენილი წესის
დარღვევას.

დ) ტესტირების პროცედურის სხვა დარღვევებს.

4. საპრეტენზიო კომისია პრეტენზიების განხილვას იწყებს განაცხადის შეტანის ვადის
ამოწურვისთანავე და მიღებულ გადაწყვეტილებას აცნობს აპლიკანტს ბრძანებით
განკუთვნილ ვადაში.

ტესტირების კომისიის შემადგენლობა

1. ჯიქია ნიაზი - სამთო-გეოლოგიური ფაკულტეტის მენეჯერი, კომისიის თავმჯდომარე;
2. მახარაშვილი ზურაბი - სტუ-ს სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის (შემდგომში ინსტიტუტი) კარიერისა და პროფორიენტაციის მენეჯერი, კომისიის წევრი;
3. გვენეტაძე ოთარი - კომისიის წევრი, ინსტიტუტის პროფესიული განათლების მასწავლებელი.
4. თაბაგარი გიორგი - ინსტიტუტის პროფესიული განათლების მასწავლებელი, კომისიის წევრი.

ტესტირების საპრეტენზიო კომისიის შემადგენლობა

1. კელეპტრიშვილი შალვა – სტუ-ს სამთო-გეოლოგიური ფაკულტეტის ტყიბულის სამთო-გეოლოგიური ფაკულტეტის ხარისხის უზრუნველყოფის სამსახურის უფროსი, კომისიის თავმჯდომარე;
2. რობაქიძე ლაშა – სტუ-ს სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის (შემდგომში ინსტიტუტი) პედაგოგი (პროგრამა – გვირაბგამყვანი), კომისიის წევრი;
3. კავაბაძე დავით – ინსტიტუტის პედაგოგი (პროგრამა – სამთო ელექტრომექანიკოსი), კომისიის წევრი;
4. ნიავაძე ბადრი – კომისიის წევრი, ინსტიტუტის პედაგოგი (პროგრამა – სამთო ტექნიკოსი), კომისიის წევრი.